

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 8. stav (1) Zakona o obilježavanju značajnih datuma („Službene novine Zeničko-dobojskog kantona“ broj: 16/25 i 08/26), na prijedlog Ureda premijera, Vlada Zeničko-dobojskog kantona, na 138. sjednici, održanoj 24.07.2026. godine, d o n o s i

ZAKLJUČAK

I.

Vlada Zeničko-dobojskog kantona donosi Program obilježavanja značajnih datuma u Zeničko-dobojskom kantonu za 2026. godinu, koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/26
Datum, 24.07.2026. godine
Zenica

PREMIJER

Nezir Pivić

DOSTAVLJENO:

1x Ured premijera,
1x Stručna služba Skupštine,
1x Sva ministarstva i druga tijela kantonalne uprave,
putem Ureda premijera,
1x a/a.

PROGRAM
OBILJEŽAVANJA ZNAČAJNIH DATUMA
U ZENIČKO-DOBOJSKOM KANTONU
ZA 2026. GODINU

Zenica, juli 2026. godine

UVOD

Program obilježavanja značajnih datuma u Zeničko-dobojskom kantonu (u daljem tekstu: Program) donosi se na osnovu Zakona o obilježavanju značajnih datuma („Službene novine Zeničko-dobojskog kantona“, broj: 16/25 i 08/26), (u daljnjem tekstu Zakon), a u skladu sa ustavnim i zakonskim nadležnostima Zeničko-dobojskog kantona (u daljem tekstu Kanton), te obavezama organa Kantona u pogledu očuvanja historijskog, kulturnog i društvenog identiteta Kantona i Bosne i Hercegovine.

Zakonom su utvrđeni značajni datumi za Kanton, nosioci obilježavanja, način planiranja i realizacije aktivnosti, kao i izvori i način finansiranja, čime se osigurava jedinstven, sistemski i institucionalni pristup obilježavanju datuma od posebnog značaja. Programom se posebno ističe odredba člana 8. stav (1) Zakona, kojom je propisana obaveza Vlade Zeničko-dobojskog kantona (u daljnjem tekstu Vlada) da, na prijedlog Ureda premijera Zeničko-dobojskog kantona (u daljem tekstu Ured), za svaku kalendarsku godinu donese Program obilježavanja značajnih datuma iz člana 4. Zakona, za svaki datum pojedinačno.

Donošenjem Programa izvršava se zakonska obaveza planiranja aktivnosti obilježavanja značajnih datuma, te se unaprijed definišu nosioci realizacije, oblici i sadržaji obilježavanja, okvir finansiranja, kao i mjere informisanja i promocije, čime se osigurava pravovremenost, transparentnost i koordiniranost u radu svih nadležnih organa i institucija uključenih u njegovu realizaciju.

Značajni datumi obuhvaćeni Programom, a koji su utvrđeni članom 4. Zakona, a realiziraju se u skladu sa članom 5. ovog zakona, predstavljaju događaje i vrijednosti od izuzetnog historijskog, društvenog i moralnog značaja za Zeničko-dobojski kanton i Bosnu i Hercegovinu. Njihovo obilježavanje ima za cilj očuvanje kulture sjećanja, afirmaciju ustavno-pravnog poretka, jačanje kolektivnog identiteta i društvene kohezije, kao i kontinuirano podsjećanje na temeljne vrijednosti na kojima se zasnivaju demokratsko društvo i vladavina prava.

Realizacija aktivnosti predviđenih Programom ima poseban značaj u pogledu edukativne i društvene funkcije obilježavanja značajnih datuma, posebno u kontekstu uključivanja obrazovnih, kulturnih i naučnih institucija, organizacija civilnog društva ili udruženja koja djeluju na području Kantona. Na taj način se osigurava aktivno učešće šire društvene zajednice u njegovanju historijskog pamćenja i prenošenju vrijednosti od značaja za Kanton i državu Bosnu i Hercegovinu.

Program također predstavlja osnov za planiranje i osiguranje finansijskih sredstava u Budžetu Zeničko-dobojskog kantona, u skladu sa članom 7. Zakona, čime se osigurava stabilan i zakonit okvir za finansiranje ovih aktivnosti. Time se istovremeno doprinosi racionalnom i odgovornom korištenju javnih sredstava, kao i mogućnosti uključivanja dodatnih izvora finansiranja u skladu sa važećim propisima.

Imajući u vidu navedeno, donošenje i realizacija ovog Programa predstavlja ne samo zakonsku obavezu, već i izraz institucionalne odgovornosti organa Kantona. Program predstavlja planski i operativni dokument koji omogućava koordinirano djelovanje Skupštine Zeničko-dobojskog kantona (u daljnjem tekstu Skupština), Vlade Kantona, kantonalnih ministarstava i Ureda u realizaciji aktivnosti obilježavanja značajnih datuma.

2. PROGRAM PREMA ZNAČAJNIM DATUMIMA IZ ČLANA 4. ZAKONA

2.1. 29. august – Dan Zeničko-dobojskog kantona

1. Naziv značajnog datuma	29. august – Dan Zeničko-dobojskog kantona
2. Pravna osnova	Član 5. stav (1) Zakona o obilježavanju značajnih datuma („Službene novine Zeničko-dobojskog kantona“ broj: 16/25 i 08/26).
3. Predloženi nosilac aktivnosti i učesnici aktivnosti	Nosioci aktivnosti: • Ministarstvo za boračka pitanja Kantona; • Skupština Kantona — Stručna služba Skupštine Zeničko-dobojskog kantona; • Ministarstvo za rad, socijalnu politiku i izbjeglice Kantona; • Ministarstvo za obrazovanje, nauku, kulturu i sport Kantona. Učesnici aktivnosti: Članovi Vlade, zastupnici Skupštine Kantona, predstavnici jedinica lokalne samouprave, javnih ustanova, boračkih organizacija, obrazovnih i kulturnih institucija, organizacija civilnog društva, medija i drugi pozvani gosti. • Nosilac aktivnosti dužan je planirati, organizovati, finansirati i u cjelosti provesti aktivnost iz svoje nadležnosti, uključujući sve organizacione, finansijske, protokolarne, logističke, administrativne i medijske poslove neophodne za njenu uspješnu realizaciju. Navedene obaveze ne zahtijevaju poseban nalog niti uputstvo drugog organa, osim u slučajevima koji su ovim Programom izričito drugačije uređeni.
4. Opis i način obilježavanja	Program obilježavanja Dana Zeničko-dobojskog kantona odvija se u periodu od 25. do 29. augusta 2026. godine, te 01. septembra 2026. godine, a sve aktivnosti organizuju se u povodu Dana Zeničko-dobojskog kantona koji se obilježava 29. augusta. Aktivnost 1 — Polaganje cvijeća i odavanje počasti palim borcima i žrtvama rata Nosilac aktivnosti: Skupština /Vlada Kantona <i>Datum i satnica: 29.08.2026. (subota) — satnica svake lokacije utvrđuje se naknadno</i> Lokacija - Spomen-obilježje "Kameni spavač"; (Polaganje cvijeća i odavanje počasti patriotama koji su odbranili nezavisnost i suverenitet Bosne i Hercegovine kao i svim civilnim žrtvama rata. 1992.–1995.). Nosilac aktivnosti će izvršiti nabavku cvijeća/ikebana za delegaciju Skupštine i Vlade Kantona, obavijestiti ministre u Vladi i zastupnike u Skupštini o datumu i satnici polaganja cvijeća i odavanje počasti, obavijestiti javnost o planiranoj aktivnosti, te sačiniti saopćenje s fotogalerijom po završetku aktivnosti. Aktivnost 2 — Svečana sjednica Skupštine Kantona i dodjela javnih priznanja Nosilac aktivnosti: Skupština Kantona — Stručna služba Skupštine Zeničko-dobojskog kantona <i>Datum i satnica: 29.08.2026. (subota) — satnica se utvrđuje naknadno — Sala 301, Anex zgrade sjedišta Kantona, Zenica.</i> Okvirni sadržaj Svečane sjednice čini uvodna riječ predsjedavajućeg Skupštine Kantona — intoniranje himne Bosne i Hercegovine — prigodan govor premijera Kantona — kulturno-umjetnički program — dodjela javnih priznanja Kantona. Nosilac aktivnosti će izvršiti sve potrebne organizacione i protokolarne radnje koje se odnose na održavanje Svečane sjednice Skupštine Kantona od pripreme i dostava pozivnica za zvanice, goste i laureate, organizacije svečanog kulturno-umjetničkog programa u okviru sjednice.

	Aktivnost 3 — Posjeta jednoj javnoj ustanovi socijalne zaštite Nosilac aktivnosti: Ministarstvo za rad, socijalnu politiku i izbjeglice ZDK Datum i satnica: 25.–28. augusta 2026. — satnica se utvrđuje naknadno. Konkretna ustanova utvrđuje se godišnjim planom ministarstva (npr. JU "Dom-porodica" Zenica; JU Centar za djecu i odrasle s posebnim potrebama ZDK — Dnevni centar Tešanj, Žepče ili Visoko; JU Dom za stara lica Zenica). Nosilac aktivnosti će izvršiti odabir javne ustanove, organizacije i dogovoriti termin posjete, osigurati prigodne i simbolične poklone/pakete za korisnike ustanove, prisustvo ministra ili ovlaštenog predstavnika ministarstva, te aktivnu promociju manifestacije Aktivnost 4 — Posjeta jednom udruženju ili organizaciji civilnog društva Nosilac aktivnosti: Ministarstvo za rad, socijalnu politiku i izbjeglice ZDK Datum i satnica: 25.–28. augusta 2026. — satnica se utvrđuje naknadno. Konkretno udruženje utvrđuje se godišnjim planom ministarstva (npr. Udruženje "Medica" Zenica; Udruženje "Sumero" Zenica; Koalicija organizacija osoba s invaliditetom ZDK ili neka druga organizacija i sl.). Nosilac aktivnosti će izvršiti odabir organizacije ili udruženja i dogovoriti termin posjete, osigurati prigodne i simbolične poklone, prisustvo ministra ili ovlaštenog predstavnika ministarstva, te aktivnu promociju manifestacije. Aktivnost 5 — Učešće i podrška kulturnoj manifestaciji ili događaju u povodu Dana Zeničko-dobojskog kantona Nosilac aktivnosti: Ministarstvo za obrazovanje, nauku, kulturu i sport ZDK Datum i satnica: 25.–28. augusta 2026. — satnica se utvrđuje naknadno. Konkretna manifestacija utvrđuje se godišnjim planom Ministarstva. Nosilac aktivnosti će izvršiti odabir manifestacije i uspostavljanje saradnje s organizatorom, osigurati finansijsku ili organizacionu podršku realizatoru, prisustvo Ministra ili ovlaštenog predstavnika Ministarstva, te aktivnu promociju manifestacije. Aktivnost 6 — Organizacija ili podrška manifestaciji "Od Kulina bana i dobrih dana" Nosilac aktivnosti: Ministarstvo za obrazovanje, nauku, kulturu i sport ZDK, u saradnji s Udruženjem Forum građana Zenice Datum i satnica: 25.–28. augusta 2026. — satnica se utvrđuje naknadno — Park Kulina bana, Bilino polje, Zenica. Nosilac aktivnosti će izvršiti sve potrebne radnje koje podrazumijeva ova aktivnost od aktivne koordinacije s organizatorom (Forum građana Zenice) o sadržaju i programu manifestacije koja se ogleda u finansijskoj ili organizacionoj podršci realizatoru, prisustvo ministra ili ovlaštenog predstavnika ministarstva, te aktivnu promociju manifestacije. Aktivnost 7 — Čas historije o Kulinu banu — prvi dan školske 2026/2027. godine Nosilac aktivnosti: Ministarstvo za obrazovanje, nauku, kulturu i sport ZDK Datum i satnica: 01.09.2026. (utorak), prvi časovi školske 2026/2027. godine — sve osnovne i srednje škole na području ZDK. Nosilac aktivnosti će izvršiti sve potrebne radnje koje podrazumijeva ova aktivnost od pripreme nastavnih materijala i uputstava za škole (Pedagoški zavod ZDK, najkasnije do 15. augusta 2026.), dostava materijala svim osnovnim i srednjim školama u ZDK, te praćenje realizacije i dostavu izvještaja ministarstvu
--	--

	Aktivnost 8 — Koncert sevdaha povodom Dana Zeničko-dobojskog kantona Nosilac aktivnosti: Ministarstvo za obrazovanje, nauku, kulturu i sport ZDK <i>Datum i satnica:</i> 29.08.2026. (subota) — 20:00 u Bosanskom narodnom pozorištu Zenica Opis aktivnosti, intoniranje himne, prigodan govor premijera Zeničko-dobojskog kantona, kulturno-umjetnički program počinje koncertom sevdaha u povodu Dana Zeničko-dobojskog kantona u 21:00.
5. Finansijski okvir	- Finansijska sredstva potrebna za realizaciju aktivnosti planiraju se i obezbjeđuju u Budžetu Zeničko-dobojskog kantona za tekuću godinu, u okviru finansijskih planova nadležnih nosilaca aktivnosti. - Svaki nosilac aktivnosti dužan je u okviru pripreme Budžeta Zeničko-dobojskog kantona planirati sredstva potrebna za realizaciju aktivnosti iz svoje nadležnosti, u skladu sa ovim Programom. - Pored sredstava iz Budžeta Zeničko-dobojskog kantona, za finansiranje aktivnosti mogu se koristiti i sredstva iz donacija, sponzorstava i drugih zakonitih izvora, u skladu s važećim propisima.
6. Medijska podrška i promocija	Web stranica Kantona, web stranice škola, mediji...
7. Kontakt osoba	Svaki nosilac aktivnosti dužan je odrediti kontakt osobu odgovornu za koordinaciju i realizaciju aktivnosti te njene kontakt podatke (ime i prezime, telefon i e-mail adresu) dostaviti Uredu premijera Zeničko-dobojskog kantona u roku od 30 dana od usvajanja ovog Programa.

2.2. 25. novembar – Dan državnosti Bosne i Hercegovine

1. Naziv značajnog datuma	25. novembar – Dan državnosti Bosne i Hercegovine
2. Pravna osnova	Član 2. Zakona o obilježavanju značajnih datuma („Službene novine Zeničko-dobojskog kantona“ broj: 16/25 i 08/26).
3. Predloženi nosilac aktivnosti i učesnici aktivnosti	Nosilac aktivnosti: Ministarstvo za obrazovanje, nauku, kulturu i sport Kantona
4. Opis i način obilježavanja	- Polaganje cvijeća na spomen-obilježjima šehidima i poginulim borcima te učesnicima NOR-a. - Svečani prijem za kantonalne boračke organizacije sa premijerom Kantona i predsjedavajućim Skupštine Kantona. - Učesnici: premijer Kantona sa ministrima Vlade, predsjedavajući Skupštine Kantona sa zamjenicima, ministar za boračka pitanja Kantona, predstavnici svih krovnih kantonalnih boračkih organizacija, udruženja logoraša, civilnih žrtava rata i porodica šehida. - Nosioci aktivnosti za prijem su: Ministarstvo za boračka pitanja (<i>za pozivanje predstavnika boračkih udruženja</i>), Ministarstvo za rad, socijalnu politiku i izbjeglice (<i>za pozivanje predstavnika udruženja logoraša, udruženja civilnih žrtava rata i drugih udruženja proizašlih iz rata</i>). - Svečana akademija povodom Dana državnosti BiH.
5. Finansijski okvir	Finansijska sredstva potrebna za realizaciju aktivnosti planiraju se i obezbjeđuju u Budžetu Zeničko-dobojskog kantona za tekuću godinu, u okviru finansijskih planova nadležnih nosilaca aktivnosti.
6. Medijska podrška i promocija	Web stranica Kantona, web stranice škola, mediji...
7. Kontakt osoba	Bernadeta Galijašević, pomoćnik ministra za predškolsko osnovno, srednje obrazovanje i odgoj i obrazovanje odraslih. Kontakt telefon: 032-460-844. E-mail: bernadeta.galijasevic@zdk.ba

2. 3. Ostali značajni datumi

Ostali značajni datumi od interesa za Kanton i jedinice lokalne samouprave obilježavat će se na osnovu posebnih odluka Skupštine Kantona ili Vlade Kantona, a jedinice lokalne samouprave također mogu svojom odlukom utvrditi i druge značajne datume koji su od značaja za jedinicu lokalne samouprave u skladu sa članom 4. stav (1) tačka b) i članom 9. Zakona.

OBAVEZE NOSI LACA AKTIVNOSTI

Program obilježavanja značajnih datuma u Zeničko-dobojskom kantonu predstavlja temeljni planski dokument kojim se, u skladu sa Zakonom, uređuje način, nosioci i finansiranje obilježavanja datuma od značaja za Kanton. Njegovom realizacijom osigurava se dostojanstveno, organizovano i sadržajno obilježavanje značajnih datuma, uz aktivno učešće institucija, lokalnih zajednica i građana, čime se doprinosi jačanju društvene kohezije i očuvanju trajnih vrijednosti Zeničko-dobojskog kantona.

Navedene obaveze ne zahtijevaju poseban nalog, uputu niti koordinaciju drugog organa, osim u slučajevima koji su ovim Programom izričito drugačije uređeni. Svaki nosilac aktivnosti dužan je izraditi vlastiti operativni plan za realizaciju aktivnosti iz svoje nadležnosti koji treba da sadrži naziv, cilj i kratak opis aktivnosti, datum, vrijeme i mjesto održavanja, program i dinamiku realizacije aktivnosti, nosioce, učesnike i odgovorne osobe za realizaciju, pregled organizacionih, protokolarnih, logističkih i tehničkih poslova; način pozivanja učesnika, gostiju i zvanica, plan informisanja javnosti i medijske promocije aktivnosti, procjenu potrebnih finansijskih sredstava i izvor finansiranja, druge podatke od značaja za uspješnu realizaciju aktivnosti. Ovako sačinjen plan, za aktivnosti koje podrazumijevaju učešće članova Vlade i Zastupnika iz Skupštine, dostavlja se Uredu premijera Zeničko-dobojskog kantona i Stručnoj službi Skupštine Zeničko-dobojskog kantona, najkasnije 15 dana prije planirane realizacije aktivnosti.

Svaki nosilac aktivnosti je dužan:

- **Planirati:** aktivnost u godišnjem planu rada i budžetu
- **Organizovati :** sve pripremne i operativne radnje, od nabavke do protokola
- **Finansirati:** aktivnost iz vlastite budžetske linije
- **Provesti:** aktivnost u cjelosti, bez čekanja na nalog drugog organa
- **Dostaviti operativni plan:** Uredu premijera i Stručnoj službi Skupštine 15/20 dana unaprijed
- **Odrediti kontakt osobu:** i njene podatke dostaviti u roku od 30 dana od usvajanja Programa

Broj: 02-_____/26

Datum, 24.07.2026. godine

Zenica

PREMIJER

Nezir Pivić

DOSTAVLJENO:

1x Ured premijera,

1x Stručna služba Skupštine,

1x Sva ministarstva i druga tijela kantonalne uprave,
putem Ureda premijera,

1x a/a.